

Supervizor za Brčko Henry L. Clarke na temu monopola na naftne derivate u Republici Srpskoj na konferenciji za tisak

U poređenju sa ostatkom Europe, Bosna i Hercegovina obuhvata prilično mali ekonomski prostor. Ukoliko u Bosni i Hercegovini ne budemo imali “jedinstven ekonomski prostor” šanse da će Federacija, ili Republika Srpska imati ekonomsku budućnost su veoma male – a za Brčko Distrikt nikakve.

Prema tome, gotovo je nevjerovatno kada entiteti poduzimaju radnje da unište prije nego da stvore jedinstven ekonomski prostor. U samo nekoliko proteklih tjedana, Republika Srpska i Federacija su preuzele mjere da se između entiteta zaustavi svaka zakonska trgovina naftnim derivatima – lož uljem, benzinom i dizel-gorivom. Republika Srpska je dala monopol nad lož uljem jednom poduzeću, a monopol na benzin i dizel-gorivo za tri poduzeća u RS. Nikome više u Republici Srpskoj nije dozvoljeno da prodaje ove važne proizvode.

Kao što je poznato svakom brucošu na Ekonomskom fakultetu, monopoli određuju cijene za robu koje su više od cijena koje određuju konkurentna poduzeća. To je razlog zbog kojeg oni žele monopol. Prije nekoliko tjedana, cijene benzina i dizel-goriva u Brčko Distriktu i Republici Srpskoj su bile gotovo iste. Trenutačno, u Republici Srpskoj velikoprodajne cijene već rastu. Stanovnici Republike Srpske će morati da plaćaju više za sva goriva koja uvoze. Više novca za ove proizvode znači manje novca za druge svrhe, što smanjuje ekonomski razvoj.

Vi ste, kao predstavnici tiska, dužni da zaštitite javnost od

ovakve vrste profiterstva. U koje svrhe, onda, ide višak novca od monopola? Koji zvaničnici i koje političke stranke će da podijele dobit? Apeliram na vas da pratite tok kretanja novca. Savjetujem vam da objasnite, vašim čitaocima, razloge zbog kojih je ovo na štetu svih osim onih koji kontroliraju monopole.

Prošlog ljeta Vlada RS je pokušala da izvrši tajnu privatizaciju poduzeća Brčkog ne konsultirajući se ni sa Vladom niti sa mojim uredom. To smo zaustavili. Oni sada napadaju legitimna privatna poduzeća koja se nalaze u Brčkom nanoseći ozbiljnu štetu brojnim velikim distributerima naftnih derivata. Ove firme su počele da obavljaju svoje djelatnosti u Distriktu kako bi iskoristile pošten i efikasan način carinjenja. Oni koriste Brčko kao bazu iz koje efikasno snabdijevaju potrošače oba entiteta. Privatne firme upravo ovo i treba da rade. Pružajući bolje usluge oni hrabre svoje potrošače i jačaju sopstvenu industriju. U pravoj tržišnoj ekonomiji oni bi imali pravo na to. Oni bi imali pravo na odštetu nastalu zbog samovoljnih mjera kojima se preuzima posao od nekih firmi i daje se drugim firmama. Mi ćemo, naravno, učiniti sve da zaštitimo interese Brčko Distrikta u ovoj izuzetno nepovoljnom poslovnom okruženju.

Molimo Vas da se za više informacija obratite uredu OHR-a, djelatniku za odnose sa javnošću Suzani Pejčić na telefon 049-205-666 ili 066-133-526.